

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: 07/1-19-8-329/25
Sarajevo, 15.05.2025. godine

Bosna i Hercegovina
Federacija Bosne i Hercegovine
Parlament Federacije
Dom Naroda
Sekretar
Hamdije Kreševljakovića 3
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 22-05-2025			
Org. jed.	Broj	Priloga	Vrijednost
05/2	- 02 -	220	/25
		221	
		232	

Predmet: Odgovor na pitanje - delegatkinje Vesne Saradžić – *dostavlja se*;
Veza: vaš akt broj: 05/2-02-220;221;232/25 od 25.04.2025. godine;

Aktom iz veze dostavili ste pitanja delegatkinje Vesne Saradžić koja glase:

- Koje su prepreke na putu potpune eliminacije upotrebe plastičnih vrećica i plastike za jednokratnu upotrebu?
- Koji su koraci neophodni za rješavanje istih?

Federalno ministarstvo okoliša i turizma je u okviru svoje nadležnosti već preuzelo niz aktivnosti na rješavanju pitanja koja su postavljena u aktu iz veze.

Naime, već 2014. godine ovo Ministarstvo je donijelo Uredbu o naknadama za plastične kese tregerice ("Službene novine Federacije BiH", broj: 9/14 – u daljnjem tekstu: Uredba) kojom je uvedena naknada za plastične kese tregerice. U skladu sa Uredbom, obveznici plaćanja naknade su trgovci registrirani na području Federacije Bosne i Hercegovine, koji troše za vlastite potrebe ili stavljaju u promet plastične kese tregerice. Visina naknade za stavljanje u promet plastične kese iznosi 0,05 KM po komadu, odnosno 50,00 KM po jednom pakovanju od 1000 komada plastičnih kesa. Obveznici plaćanja, plaćaju naknadu Fondu za zaštitu okoliša Federacije Bosne i Hercegovine radi stavljanja u promet plastičnih kesa i to dva puta godišnje na osnovu Izvještaja o količini plastičnih kesa stavljenih u promet.

Plastične kese sa stijenkom debljine iznad 21 mikron i kese za rinfuzne ili rastresite materijale uopće nisu predmet Uredbe. Kako ne bi plaćali naknade, trgovci uglavnom koriste ove vrste plastičnih kesa koje, pritom, i dalje zagađuju okoliš.

Nadalje, ovo Ministarstvo je 2019. godine predložilo izmjenu važeće Uredbe na način da se istom obuhvate kese do 50 mikrona. Uslijedili su prigovori Ekonomsko-socijalnog vijeća Federacije BiH, Udruženja poslodavaca i samostalnih privrednika Gračanica, te privrednih društava pojedinačno kao što su: PLASTEX d.o.o., „VARIPLAST“ d.o.o. Gračanica, WELTPLAST d.o.o. Posušje, LONČARPLAST d.o.o. POSUŠJE, „FER PLAST“ d.o.o. Sarajevo, protiv Prijedloga Uredbe o naknadama za plastične kese dok se

ista ne usaglasa sa naknadama na području Republike Srpske i donošenja propisa u isto vrijeme na području oba entiteta.

Također, trenutno je u izradi novi Zakon o upravljanju otpadom kojim se predviđa zabrana stavljanja na tržište u Federaciji BiH plastičnih proizvoda za jednokratnu upotrebu kao i način korištenja plastičnih kesa za nošenje do 15 mikrona i plastičnih kesa za nošenje s debljinom stijenke 50 i više mikrona. Prednacrt Zakona je objavljen na web stranici Federalnog ministarstva okoliša i turizma.

Novim Zakonom o upravljanju otpadom će biti regulisana upotreba plastičnih kesa i plastike za jednokratnu upotrebu na način kako je riješeno u regionu u zemljama Evropske Unije.

S poštovanjem,



dr. sc. Nasira Pozder

Dostaviti:

- Naslovu
- Arhivi